

САМУРДИН

ссс

«Магъарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 32 (8240) киш, 27- июль, 2024- йис. Къимет 6 манат

26- ИЮЛЬ



Дагъустан Республикадин
Конституция къабулай югъ я



26- ИЮЛДИЗ гзаф миллетрин ве-
килрикай ибарат тир Дагъустан-
дин халкъари, гъа жергедай яз чи
районэгийрини, милли сувар-
Дагъустан Республикадин Консти-
туциядин Югъ шадвилин гъалара
къейд ийида.

Тамам 22 йис идалай вилик
Дагъустан Республикадин Консти-
туция къабулна. Ада чи респуб-
ликадин государстводин тарихда
важиблу ва цлийи чин ачухна, яни
республика демократвилелди вилик
финин рекъел элячнавайди лишан-
ламишна.

Къе районэгийрин вилик эко-
номика къвердавай вилик фин таъ-
минарунин, агъваллувал хкажунин,
обществодин уьмуьрдин вири хи-
лера къвалахар авай гъал хъсанару-
нин ва къайдадик кутунин жигъет-
дай цлийи ва жавабдар везифаяр
акъвазнава.

Чна а кардихъ инанмишвал ийиз-
ва хъи, Конституцияди чаз ганвай
ихтияррал ва мумкинвилерал
къелелай амал авуналди, районэгъ-
лийри чпин вилик акъвазнавай вези-
фаяр баркаллувилелди къилиз акъуд-
да.

Муниципальный райондин адми-

МУБАРАКРАЙ!



нистрацияди вири районэгийриз Дагъустан
Республикадин Конституциядин Югъ риклин
сидкъидай мубаракзава ва виридахъ мягъкем
сагъвал, ислягъвал, зегъметда гъакъисагъвал-
ни дурумлувал хъана кланзава.

Ф.З. АГЪМЕДОВ,

«Магъарамдхуьруьн район» МР-дин
администрациядин къил.

ЧУХСАГЪУЛ МАЛУМАРНА



ИСЛЕН юкъуз, гъар гъафтеда кыле физвай администрациядин аппаратдин совещаниедал, оперативный везифайрин полкунин тактикадин командованиедин дестедин тварунихъай «Магъарамдхуръун район» МР- дин кыл Фарид Агъмедовав чухсагъулдин чар вахкана.

Войсковой частунин командованиеди, СВО- дин иштиракчи, Магъарамдхуръуй тир, вичин везифаяр намуслувилелди тамамарзавай, вилик эцигнавай задачаяр виклегвилелди гъалзавай, ислегъ агъалияр тир аялар, дишегълияр ва яш хъанвай инсанар, Ватандин Члехи дяведин ветеранар бендероврин нацистрикай хуъзвай, лейтенант Абдуллаев Аслан Абдуллагъович хътин кьегъал хва тербияламишунай чухсагъул малумарна. Ихътин кьегъал рухвайри Россиядин милли интересар хуън таъминарда. Ихътин ватанперес вичин чандилай гъил къачунвай Аслан Абдуллагъовичан уьтквемвилер шумудни са наградариз лайихлу хъана.

Гъакни, командованиедин тварунихъай ихътин уьтквем хва вердишарнавай диде-бубадизни кылди чухсагъул малумарнава.

Чи районгъилири къуллугъзавай воинский частарин командованиедин тварунихъай ихътин чухсагъулдин чарар атун дугъриданни дамах ийиз жедай кар я.

ЛАГЕРДА АКЪАЖУНАР

И ЙИКЪАРА, Магъарамдхуръун районда авай «Самур» лагерда, жегъилрин арада азаддиз къуршар кьунай, гъиле авай «хизандин йисаз» талукарнавай адетдин турнир кыле фена.

Турнирда спортдал рик алай 70 жегъилди иштиракна. Абурун арада Махачкъала шегъердай, Сергокала ва Магъа-

рамдхуръун районрай ва патарай атанвай жегъиларни авай.

Турнир «Магъарамдхуръун район» МР- дин физический культурадин ва спортдин отделди тешкилна ва кыле тухвана. Акъажунрин эхирдай Эльбрус Шагъвеледова гъалибчийриз ва призерриз медалар, Гъурметдин грамотаяр ва пишкешар гана.



2024- ЙИС - ХИЗАНДИН ЙИС

ПЕШЕДИН УСТАД

ЧИ гележег тир акъалтзавай несилдиз чирвилерни марифатлу тербия гунин, аялар ватанпересвилер руьгдаллаз тербияламишунин месэла четинди, гзаф терефринди, гъа са вахтунда жавабдардини я. И везифа агалкъунралди кылиз акъудун малимдин устадивилелай, ам вичин везифайрив эгечизавай тегъердилай гзаф аслу жезва. Девирдин дарвилериз килиг тавуна, гъар са тарс яратмишдай тегъерда тухузвай, и кар патал вири мумкинвилерикай менфят къачузвай малимар райондин

школайра Тимил авач. Абур девирди арадал гъанвай четинвилер алудиз, акъалтзавай несил дерин къатунар аваз ва лигимлу яз уьмуьрдин рекъел акъудиз алахъзава. Ихътинбурукай сад вичикай суьгъбет физвай, малимвилер пак буржидив яратмишдай тегъерда эгечизавай Советск хуръун юкъван школадин завуч Гъажимурадов Фейзуллагъ я.

Фейзуллагъ малим ялцугъви къванцин устлар рагъметлу Гъажимурадов Эседулагъан хизанда 1953-йисуз дидедиз

2024- ЙИС - ХИЗАНДИН ЙИС

2 ←

хъана. Ам зегъметдал, вичин пешедал гзаф рикI алай кас тир. Ада вичин аяларни зегъметдал рикI алаз, чIехид-гъвечIид чиз тербияламишна.

Хуьруьн юкъван школа лап хъсан къиметралди кIелна куьтягъай 1971- йисуз Фейзуллагъакай Дагъустандин госуниверситетдин математикадин факультетдин студент хъана. Сад лагъай курсунилай башламишна ада факультетдин общественный уьмуьрда активнидаказ иштиракна. Адакай факультетдин “За математические знания” газетдин редколлегиядин член, воллейболдай факультетдин хкъанавай командадин иштиракчи хъана.

ДГУ акъалтIарна ва 1976- йисалай вичин хайи

хуьруьн школада математикадин малимвиле кIвалахиз башламишна. Жегъил пешекарди вичиз тарс гайи, тежриба авай малимрилай чешне къачуз хъана. Вичин предмет гзаф кIандай Фейзуллагъалай математика аялризни кIанариз алакьна.

Фейзуллагъ малим вичи тухузвай гъар са тарсуниз рикIивай гъазур жез хъана ва и кIвалах ада аялривайни истемишна. 1982- йисуз, школа цийи дараматдиз экъечIайла ада аяларни галаз сифте математикадин кабинет тукIуьрна ва ам герек гъар са шейналди таъминарна. Аялрин интерес, тарсуна иштираквал хкаж хъана. Математикадин кабинетдин бинедал ада “Любители математики” кру-

ПЕШЕДИН УСТАД

жок тешкилна. Кружокдин членарни галаз ВЗМШ (всесоюзная заочная математическая

садрани къерех хъанач. Ам гъамиша ученикрин комитетдин, комсомолдин организациядин собранийрин иштиракчи, вечеррин, диспутрин тешкилатчи хъана. Школадин чIехи коллективди адал са шумуд йисуз профсоюздин комитетдин председателвилин везифани ихтибарна. Ада и тапшуругъни намуслувилелди къилиз акъудна, гъамиша коллективдин интересар хвена.

1990- йисуз Ф.Гъажимурадов школадин коллективди са шумуд кас авай списокдай чинеба сесер гуналди завучвиле хкъана. И кардин себебни адан михъивал, фикиррин дуьзвал, гафунин сагъвал, герек



школа при МГУ, филиал при ДГУ) программада 1984-1987 йисара иштиракна. И программа агалкъунралди куьтягъна ва удостоверенияр къачуна. Фейзуллагъ малимди вич хъсан чирвилер авай пешекар, вичин къуватрин гъайиф текъведай инсан тирди субутна. Ада аялриз дерин чирвал дуьз тербия гун, абур Ватандал рикI алайбур яз чIехи авун вичин намусдин кар яз гъисабна. Акъалтзавай несилдин гъакъиндай неинки къайгъударвал чIугур, гъакI абурун вилик жавабдарвални гъисс авур жегъил малимди кIелзавайбурун, чIехи коллективдин, гъакI диде-бубайрин патайни фад гъуьрмет къазанмишна.

Фейзуллагъ малим школадин общественный уьмуьрдивай

гаф герек чкадал лугъун хъана. Ингъе 32 йис я Фейзуллагъ малимди са рехнени квачиз школадин завучвиле кIвалахиз. Ада школадин са шумуд малимдин тежриба дикъетдалди чирна, абур газетриз акъудна. УО-дин метод кабинетди адан завучвиле тежриба кIвалахунин райондин школайра райж авуна. Гъа и йисара Советский хуьруьн юкъван школадин бинедал гзаф къадар райондин ва республикадин сергъятра авай мероприятияр къиле фена: “Семинар творчески работающих директоров школ Дагестана”, “Семинар заместителей директоров, проходящих курсы повышения в г. Махачкале, “Семинары ассоциаций

→ 7

ГЫКАЯ

Члехида лагъайвал тавурла

СА СЕФЕРДА пакамахъ фад чи къуншидин руш Афисат Бакудиз сефердиз гъазур хъана. «Ийида жуван аялриз къецил-цлару, шегъердизни са вил яда. Гъикъван хъурай доярка я лугъуз маларин фермада са экъу югъ такваз», - фикирна руша.

Афисат чкадив агакъайла югъ частунилай алатнавай. Вичин жегъил уьмуьрда артух пад-къерех такур, хуьре хана, - гъана члехи хъайи хуьруьн ислягъ рушаз шегъердин гурлу уьмуьрди члехи таъсир авуна.

-Вув-ув, я къей, ина авай гъерекат аку-е. Машинринни инсанрин тум къил авач. Я тахъайтла ина мел-мехъер авани!? Виридак тади- юзун ква, са гъиниз ятлани еримешзава. Вуж гъинихъ физватла де вуна къил акъуда. Ихътин чкада вал члуру ният авай гада- гуьдунни, къиргъарамчиярни гъалтда, чуьнуьхгумбатларни, я къадаш кас, расалмиш хъун мумкин я. Низ чида абурун ният вуч ятла, - мягътел хъана фикирзава Афисата члехи шегъердин атлун тийидай гъерекат акурла.

И береда рушан риклел бубадин келимаяр хкъезва. «Аку, чан бала, - лагъанай къуьзека руш рекъе твадайла, - чарадан гъалал шейина вил авай гъарамзадаяр, чал-кечирар луту-путуяр виринра пара хъанва. Вил мична ачухдалди вав гвай шей-шуьй тахъай мисалда. Тамаша, жуван сир садаври вугумир гъа. Гъич чинавай виливни. Таниш тушир касдихъ галаз артухан рахун- луйклуьн, гаф-чални герек къведач рекъе. - Вун гъинай я, гъиниз физва, вуч герек ава?...- ихътин сурун суалриз жавабар гумир. «Ништа, чидач, малум туш, белки я жеди», - лугъуз алуда жувалай. Вун хътин бейниванар угърийрин фан къафун я. Вун гъинихъ

фейитлани гъабурун лишандик жеда. Риклел хуьх зи гафар. Бажагъат хуьх! «Бажагъат хуьх», - тикрарна Афисата бубадин гафар, эрчли гъил къуьне авай тумаждин чантадин клане авай киседал яр-гъи авуна хъиз. «Я, Аллагъ, ваз шукур хъурай. Пул авай кисе чкадал алама. Я кас, - секинарна руша вичи-вич, - гъиниз фида ам зи гъилай. Зун бубадин руш тушни, жуван чандал цлай къурна къазанмишай пул са куьчебацандив вугуз. Зи пулунин иеси анжах зун я, чир хъанани? Зун! Мад касни». Са никай ятлани хъел квай жуьреда ван акъуд тавуна лугъузва Афисата ажугъ кваз.

-Атла битиш аку, - туьквендиз гъахъзавайла Афисатан вилера епинай ахъа хъайи дана хъиз паркуна скамейкайрилай хкадарзавай юкъван буйдин са гада акъуна. - Гъич бегенмиш туш ман заз адан уюнар. Риклиз къайидай къван вуча? Вилер чапрас къаралту. Ваз маса кар-кеспи амачни, къейи хва, бацлиди хъиз цингавар ягъ тавуртла. Фена вирида хъиз къакъажна гъилер ая ман са хийрлу кваллах, къазанмиша жуваз недай разу. Ваъ, анжах чараданди, гъаваянди яни кландайди? Зун ви гъавурда ава.

-Я кас, - суалзава Афисата туьквендиз гъахъайла вичи- вичиз. - Атла нер битиш чапрас зи вуж я? Са касни. Заз зарар авани адакай. -Ваъ! Ятла фирай вичин рехъди. Ам зи я стха туш, я арха, са касни. Къала зунни жуван дердийрив эгечин. Хуьруьзни югъ аламаз хъфидачни бес? Аялрин вил рекъел алайди я.

-Атла кастюм ибалди ая кван даи, - лагъана Афисата туьквенчидиз ипекдин кастюмдал тлуб туьклуьрна хъиз.

-Башуьсте, ханум. Туьркуьядин мал я, - лагъана туьквенчиди жуникай жудна дезгедал михек рангунин кастюм эцигна.

-Шартл гъазурай чкадал алач,

анжах вич мешреб алайди хъурай. Бубадиз къачузвай савкъат я зи патай.

-Вун гъахъ я, - разивилелди лагъана туьквенчиди. Шеъ къиметдик квайди я, къачу вах, ягъалмиш жедач, - бирдан ван къезва далудихъай.

-Ягъ, им вуж хъурай зи хийирдихъ галайди. Мегер тийижир шегъерда заз таниш-билиш къатнани, - лагъана къулухъ вегъей вил нер битиш, вилер чапрас гадада акъуна. «Низ чида им гъа бубади лагъай иблисрикай сад туштла. Гъатна руш гила вун ракъара. Тадиз са чара аку, - буйругъ гузва кичл акатнавай рикли. Вуч ийин? Угъри яхъ, гадаяр, лагъана гъарайдани, пагонар алайбуруз эвердани, я тахъайтла катдани са патахъ, хата-баладикай яргъаз», - фикирзава руша.

-Бубадиз кастюм мубаракрай, яргъал уьмуьр хъурай. Чам хъиз аквада алукайла, - сивел живи хъвер алаз, вилер рушан вилера аклурна хъиз

ван алаз рахазва чапрас.

-Чухсагъул, амма заз вун чидач ман, - рагъ галукъай мум хъиз хуьтуьл хъана Афисат.

-Часпардин са патай, са вацлунбур я чун.

-Акл хъайила чун элугълияр я ман?

-Эхъ, гъихътин эгълияр, саки багърияр, вахни стха. Хийир - хабар, акъатна хъи къариблудиз?

-Шегъер тушни, атанва пек-партал къачуз жуван аялриз. Мукува-къилийриз. «Баку-такурдаз аку» гъавайда лагъанвач.

-Гъахъ я, гъахъ я, алава затни лугъуз жедач. Баку гъакъикъатда гуьрчег шегъерни я, меркезни.

-Генани ацукун-къарагъун гъикл я ви, - акъатна Афисатай, ихтилат давамарун хъурай лагъана. Вахъ квал- югъ, хизан-куь-ял авани?

ГЪИКАЯ

-Ваъ, - гаф сиве амаз жаваб гана гадади, суал гуъзетнавайда хъиз.-Зун субай я. Гъеле свас жагъанвач. Шегъердин юкъвал заз хуси квалерни ава, амма ана касни яшамеш жезвач,- гъич вил мични тавуна табна гадади.

-Ваз са ийер свас къисмет хъурай.

-Чидач ман.

-Умуд атумир, мехъерик тек-лифизни рикелай ракъурмир.

Цийи танишар сад-садал ашукъ хъайи Лейлини Межнум хъиз илигна суъгбетдик квайла квачерик звер кваз са жегъил гада абурун патавай гуъц хъана фена.

-Эй, осторожно, негодяй,- лугъзва хъел кваз рушан цийи танишди.

-Аквазвани, вах, авач гилан жегъилрихъ ягъ- намус, гуърмет-хатур. Дишегълидиз хуртлар гана физвай тегъер аку, нереч. Цай къуна кузвани? Риклив къамир, вах, акъулсуз я ман. Ихътинбуруз пак са затни амач гилан дуъньяда. Де сагърай, акван хъийида чун,-лагъана цуьк хъана Афисатан цийи арха.

Нер битиш гададин къатлунри, рахазвай тегъерди Афисатан бейнидиз бегъем таъсирна. Адак лувар акатна. Вич цавун аршдиз акъатай хъиз хъана.

-Аквазвани, инсандин къиле кланда, къиле. Винел патан акунри ягъалмишарда. Акъуллу, рик михи кас я. Заз хуртлар гайиди гъик дашкъалагънайтла, пислемишнайтла, михиз русвагънайтла ақунайни. Бес за ихътин гададиз лаклабар вучиз язавай? Хъурай ман нер битиш, мегер ада ризки нерай незвани? Пагъ, жагъана зазни синих. Якъин, инсанар малаикар туш. Клан хъайитла са синих никай хъайитлани жагъида. Мегер гадалди ам усал жезвани? Анжах зигъиндиз къит тахъурай. Къиле зат кланда. Ахмакъ, акъулдиз къери, сефигъ жедалди чапрас хъунни хъсан я. Гъайиф, чун фад айрутмиш хъана. Твар, ери-бине къванни чириз агакънач. Язух-

дихъ шегъерда хуси квалерни ава, амма квалин къил къадай кас авач.

Гъеле жегъил я, белки къисмет жен са ферлиди. Я кас, вири дугъривилей я. Герек инсан са тимил къванни гъясуз жен. Ун, ун виклегъдиз кланда. Алай девирда виклегъ тахъайтла вирида лапашар вегъеда.

-Вавай, ханум, агъзурни вад виш манат, - лагъана костюм багъламадик кутуна дезгедал эцигай туьквенчиди.

-Исятда, даи, чна шут-рашутда,-лагъана инанмишвилелди тумаждин чантадиз яргъи авур рушан гъил анай ичиз акъатна. Квачер буш хъана, рикли фадфад кваллахзавай рушан рангар атлана. Ада гъил мад чантада экъурна. Ваъ, ичи я. Анай адаз гъат хъувурди къачудай пек-парталдин сиягъ тир. Са легъеда къах хъана амуькна Афисат. Вилерикай цун целхемар жатна, бедендик меъи фул акатна, къилиз клута вегъей хъиз хъана.

-Я Аллагъ, им вуч бала я зи къилел атанвайди? Нин патав фин, низ арза ийин. Вуж я гила зи мидадда акъадайди?

Бейгъуш гайиди хъиз ацукъ хъана руш гурарин кларце. Вилерал мичивал акъалтзава. Куьчедай физвай инсанар хъенер хъиз аквазва. Амма, рушахъ вуч хъанватла, ам вучиз шехъзаватла хабар къадай, дерт къезилардай са касни авач. Эхир дидедин гъил къуна куьчедай физвай са руш члалат атана.

-Диде, ай диде, атлам вуж я,- суалзава бици руша вичин дидедиз.

-Ам са хала.

-Бес ам вучиз шехъзава?

Ша чун адан патав фин, хабар къан.

-Герек авачир суалар гумир, алад жуван рехъди,- лагъана кам йигинарна дидеди. «Гъалал зегъметдин гъакъи гарув вугай бахтикъара», - лугъуз къагъар къезез шехъзава Афисат.

-Гила за хизандиз вуч жаваб гуда. Гъинава за къачур пек-лек.

Пул угърийри хиритна. Белки гъат хъийин. Ваъ, пулуникай умуд атлугъ ви, авам. Пул фена, руш, гел галачиз, къумадиз феи цин стлал хъиз.

Эхирни шехъна- шехъна накъварив ацланвай вилер михъна хъиз Афисата вичи-вичиз сабур гуз башламишна:

-Я кас, инсанар гъуьлуьз аватна, машиндик акатна рекъизва, къачагъри залуквиле къачузва, маса писликвилер къезезва къилел. Де мад вучта, хъайи кардиз. Шукур хъурай Аллагъдиз, гена жув сагъсаламатдиз амуькна балайрин къилел. Пул за къазанмиш хъийида жуван гъакъисагъ зегъметдалди, къуй балайрилай садакъа хъурай.

Туьквендин гурарин кларцеел курпашмандиз ацукънавай Афисатан вилик са жегъил гада пайда хъана.

-И башпурт цуьдуь яни, ханум, суалзава ада пенжекдин хъултухдай Афисатан харижи паспорт акъудна хъиз.

-Эхъ, ам ваз гъинай жагъана?

-Къетне рекъелай элячдайла са гада машинди яна, гъа чкадал чан гана ада. Башпурт мейит хутахай чкадилай жагъана.

-Бес зи пул, пул гъиниз фена адан юкъва авай?

-Ам заз чидач, ви пулунин иеси вун я къван, зун туш. Мукъаят хъана кландай пулунал,- лагъана гада атайвал квахъ хъувуна.

-Заз бубадини гъакъ лагъанай. Чехида лагъайвал тавурла чехи баладик акатда,- гъахълу гафар я.

Гъа и арада къвалав гвай ресторанда столдихъ ацукъна нер битишда гъа паспорт хай гада гуьзлемишзавай. Ахпа абуру архайиндиз Афисатан пул гъарда члугур зегъметдиз килигайвал къве чкадал пайна.

Агъадаш
НАГЪМЕТУЛЛАЕВ.

2024- ЙИС - ХИЗАНДИН ЙИС

ПЕШЕДИН УСТАД

3 ←

учителей: биологии, технологии, русского языка и литературы, математики и физики”, райондин завучрин семинар “Новые технологии обучения при переходе на ФГОС”. 1993- йисуз Советский хуьруьн юкьван школа Республикадин конкурсда “Школа года-1993” гъалиб хъана.

мукьвал-мукьвал гегьенш док-ладар ийизва. Гъабурукай яз: “Жегьил малимрихъ галаз кьвалахун”, “Олимпиададин задачаяр гъялдай кьайда”, “Активные формы обучения на уроках математики”, “Совершенствование качества знаний учащихся по математике через традиционные и инновационные формы и методы”. Лап хъсан

чийри хушвилелди кьабулзава.

Фейзуллагъ малим туьквей хизандин кьил я. Адан уьмуьрдин юлдаш Гъажимурадова Азима кьилин образование авай учительница я. Абурун хизанда кьве аял чьехи хъанва. Хва Арсена ДГПУ акьалтарна школада физкультурадин тарсар гузва, руш Радмилади ДГПУ-дин математикадин



Советский хуьруьн юкьван школадихъ йисандавай- йисуз хъсан нетижаяр хьунин карда завучдин зегьмет иллаки тафаватлуди я. Школа Вироссиядин “Йисан школа” конкурсда пуд сеферда лауреат хъана. (2001-2002-2003гг.) 2005, 2006, 2007 йисара тухвай райондин конкурса “Виридалайни хъсан методический кабинет” Фейзуллагъ малимдин кабинетди сад лагъай чка кьуна. Райондин завучрин семинаррал Фейзуллагъ малимди

ва бажарагълу малим Ф. Гъажимурадов гъакьисагъвилелди зегьмет чьугунай, аялриз дерин чирвилер гунай “Отличник образования Дагестана”(2003г) ва “Почётный работник общего образования РФ”(2008г) тьварариз лайихлу хъана.

Ф.Гъажимурадован музыкадал, манийрал гзаф рикл ала. Ам школадин малимрин “Ялцугъ” ансамблдин участник я. Ада хьуьтуьл, назик, рикли кужумдай ширин сесиналди таммарзавай манияр тамаша-

факультет куьтягъна Владикавказ шегьерда кьвалахзава, свас Раидади начальний классриз тарсар гузва. И хизандиз чавай малимрин хизан лугъуз жеда. Къуй, квехъ мягькем сагъвал, хушбахтвал, хуьруьнвийрин балайриз чирвилерни тербия гунин карда гележегдани еке агалкьунар хьурай, гьуьрметлу Фейзуллагъ малим!

**Сулейман гъажи
ПАШАЕВ.**

ОБЪЯВЛЕНИЕ

АДМИНИСТРАЦИЯ муниципального района «Магарамкентский район» объявляет повторный конкурс на замещение вакантной должности муниципальной службы в администрации муниципального района «Магарамкентский район» на должность начальника юридического отдела – главная должность муниципальной службы – 1 единица.

В конкурсе могут принять участие лица, соответствующие следующим квалификационным требованиям:

- наличие высшего юридического образования;
- не менее двух лет стажа му-

ниципальной службы или стажа работы по специальности, направлению подготовки.

Начало приема документов для участия в конкурсах с 09.00 ч. 29 июля 2024 года, окончание в 16.00 ч. 19 августа 2024 года.

Документы принимаются в рабочие дни (понедельник – пятница) с 09.00 ч. до 12.00 ч. и с 13.00 ч. до 16.00 ч. по адресу: 368780, с. Магарамкент, ул. Гагарина, 2 (Здание Администрации), Отдел кадровой работы и информационных технологий, тел: 8 (8722) 55-18-04.

Гражданам, допущенным к участию в конкурсах, о дате, месте и времени проведения второ-

го этапа конкурсов будет сообщено не позднее чем за 15 дней до их начала.

Конкурсы будут проводиться в здании Администрации муниципального района «Магарамкентский район».

Квалификационные требования для замещения этих должностей, условия прохождения муниципальной службы, документы, подлежащие представлению в комиссию; срок, до истечения которого принимаются указанные документы; проекты трудовых договоров опубликованы на официальном сайте администрации МР «Магарамкентский район» в сети Интернет в разделе «Муниципальная служба».

Солнечный удар Советы врача



ГБУ РД МАГАРАМКЕНТСКАЯ ЦРБ

СОЛНЕЧНЫЙ удар – это серьезное состояние, возникающее при длительном воздействии прямых солнечных лучей на голову и шею, что может привести к перегреву организма. Вот несколько советов, как предотвратить и справиться с солнечным ударом:

1. ***Избегайте прямых солнечных лучей***: Особенно в часы пик, когда солнце наиболее активно (с 11 до 16 часов). Если планируете проводить время на улице, старайтесь находиться в тени.

2. ***Носите защитную одежду***: Одевайтесь в легкую, светлую и свободную одежду. Шляпа с широкими полями и солнцезащитные очки также помогут защитить лицо и глаза от солнца.

3. ***Пейте достаточное количество жидкости***: Обезвоживание может усугубить риск солнечного удара. Убедитесь, что вы пьете достаточно воды, особенно в жаркую погоду.

4. ***Используйте солнцезащитный крем***: Наносите средство с высоким уровнем SPF на открытые участки кожи за 30 минут до выхода на улицу и обновляйте каждый два часа, а также после купания или потоотделения.

5. ***Признаки солнечного удара***: Будьте внимательны к симптомам, таким как головная боль, тошнота, головокружение, красная и горячая кожа, высокая температура тела. При наличии этих признаков следует немедленно перейти в тень или в прохладное место.

6. ***Первая помощь***: Если вы или кто-то другой испытывает симптомы солнечного удара, необходимо:

- Переместить человека в прохладное помещение.

- Уложить его и поднять ноги.

- Убрать лишнюю одежду и охладить тело влажными полотенцами или прохладной водой.


- Пить воду или электролитные напитки, если это возможно.

7. ***Обратитесь за медицинской помощью***: Если состояние не улучшается или симптомы ухудшаются, необходимо обратиться к врачу.

Соблюдение этих рекомендаций поможет вам защитить себя и своих близких от солнечного удара. Берегите здоровье!

И. ПУЛАТОВА,
врач-терапевт.

КРОССВОРД



ДУЪЗ ЦАРАРА: 1.Къуллугъда хуъруън къил. 2.Кири (аренда). 3.Арадиз атай йикъалай нин-куън ятлани уьмуър. 4.Мухан къичих. 5.Гафунин мана гафаралди гъавурда тун. 6.Руцлугул. 7.Эхиримжи. 8.Насигъат. 9.Тайин месэлаяр гъялуни карда вилик-къилик квайбур. 10. Чалагъан, лекъ. 11.Жуванбуруз, ватандиз акси кас. 12. Салан майва. 13.Кивалюгъ, кар-кеспи авачиз гъатнавайди. 14. Мусурман дин.

ТИК ЦАРАРА: 1.Вири тѐбиат санлай. 4.Сифте цанин хвал. 6.Къуд пад кивнавай гъайварин чка. 8.Дуъа, Аллагъдиз тавакъу.

11.Клерецдин асул пай, рикл. 13.Дуъгве гамиш. 15.Клеви парчадин утагъ. 16.Свас рекъе тваз-вай дишегъли. 17.Кеф, хушбахтвал. 18.тугъмет, айиб. 19.Талабун, талабдай кар. 20.Аялар къугъун патал затл. 21.Къилиз сер янавайди. 22.Азербайжандин са шегъер.

ЮКЪВА АВАЙ КРУГДА:
ДУЪЗ ЦАРАРА: 1.Гардан далу патахъай. 2.Вагъши къуш.

ТИК ЦАРАРА: 1.Уьцлур тямдин нямет. 3.Руфуна жез-вай пи.

Кроссворд тукъуьрайди
АТАХАНОВ Абдулгаъир я.

АЯЛАР ПАТАЛ

**ГЪУЪЖЕТ АЛАЙ
ФИКИРАР**

СЕРИН гъаятда секин пехъре туна къал кицин:

-Акунани аламатар, тахъай хътин керематар. Вечре чугуна зегъмет, авуна иесидиз гъуърмет, хайила чѐхи кака, клек ава ягъиз къакъра — вичинбур хъиз гъунара. Кланзаватла медалар?

Хкадарна кланин хилел да-вмарна пехъре хъилел:

-Гана вичиз азабар, каци гъана кларабар. Туштлани къе су-варар, гузва кициз савкъватар. Кици ийиз саралай, кац къат-канва къвалалай. Гъамиша тир душманар, хъанва гила пана-гъар.

Эвична пехъ чилел, фикир желбиз кланз вичел. Сив ахъай-на тамамдиз, башламишна паш-мандиз:

-Къарин къужа хъанва къал, квале гъатна руфун тлал. Касдиз амачир сарар, кланзава хъуьтуьл афар. Хуш я качкачл халлани. Недачни бес са затли? Къари хъанва мад хибри, рикли вичин лап къван хъиз къайи.

Дамахдалди хкажна къил, гъаятда экъуьрна вил:

-Къар! - гъарайна хъел кваз пехъре, фидайвал тамам зегъ-ле. - Гъиниз фена лугуяр, хуш туш-ни зи рахунар? Гъизва квез за хабарар, галачир гъич тапарар. Квевай гъакъи къачузвач, гузвач вучиз лугъузвач. Гъуърметсуз хъанва вири, тушни бес закай регъуь?! Минетайлан мад къве-дач, садрани мад элкъведач, - лагъана хъел кваз пехъре. Гъуьрч ядайвал лекъре лув гана гъатна рекъе, гъаятдавай кларабни къуна сиве.

Р. ГЪАЖИЕВ.

**Къилин редактор
Р. АБДУРАГЪИМОВ.**

Редакциядин адрес:
368780. РД, Магъарамд-хуьруьн район, Магъа-рамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магъарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.
Чапун патал къул чугуна- 15.00.**

Газетдин регистрациядин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги члал.

**Индекс 63340. Тираж 1400
Заказ № 32.**

6+